

**Kedaulatan ekonomi hilang jika Buku Jingga dilaksana  
Utusan Online  
29 November, 2012**

KUALA LUMPUR 29 Nov. - Negara akan hilang kedaulatan ekonomi seperti Greece jika manifesto pembangkang yang digariskan melalui 59 janji dalam Buku Jingga dilaksanakan, kata Perdana Menteri Datuk Seri Najib Tun Razak.

Beliau berkata pelaksanaannya akan menjurus kepada defisit bajet kerajaan pusat melonjak kepada hampir 30 peratus pada tahun pertama, dan kadar nisbah hutang negara kepada Keluaran Dalam Negara Kasar (KDNK) akan melambung 140 peratus menjelang 2015.

"Dalam tahun ketiga, kita akan mencapai tahap keparahan dan hilang kedaulatan ekonomi seperti Greece.

"Waktu itu pengurusan iktisad negara tidak lagi berada dalam tangan kerajaan yang dipilih rakyat tetapi beralih ke tangan institusi antarabangsa. Adakah itu yang kita inginkan?" soal Najib yang juga Presiden UMNO dalam ucapan dasar pada Perhimpunan Agung UMNO 2012 di sini hari ini.

Inilah tahap kualiti dan ketidakmampuan perancangan ekonomi parti lawan yang tidak langsung mengejutkan, katanya.

Hakcipta Terpelihara © UTUSAN MELAYU (M) BERHAD

Source: [http://www.utusan.com.my/utusan/Dalam\\_Negeri/20121129/dn\\_27/Kedaulatan-ekonomi-hilang-jika-Buku-Jingga-dilaksana](http://www.utusan.com.my/utusan/Dalam_Negeri/20121129/dn_27/Kedaulatan-ekonomi-hilang-jika-Buku-Jingga-dilaksana)